

20.
30

Q. V. B.
DISSERTATIO POLITICA
DE
JURE PRIMOGENITI,
Quam
BENEVOLO INDULTU

Incluti Senatus Philosophici in Almâ Lipsiensi
PRÆSIDE

VIRO CLARISSIMO EXCELLENTISSIMO Q.
DN. M. JACOBO THOMASIO,

Dial. Philipp. Prof. P. celeberrimo, Præceptore
suo jugiter colendo,
publicè discutiendam proposuit

Ad D. 17. Januar.

A. O. R. M. DC. LVII.

JOH. CHRISTIANUS Schindler /
Z. L.

Recusa LIPSIÆ,
Typis JOH. ERICI HAHNII,
Anno M. DC. LXXII.



7
C
ad
ac
cat
rer
clei
H/ff
iipio

quib
non
Prime

idque
ac ap
ibi ne
fembo
ine, un
tius de
Torre

I. N. D. N. J. C.

I.

ANTELOQUIUM.

Divino plañe auxilio, quo solo ad omnia consilia actusque omnes feliciter progredimur, ex nobilissimâ pariter ac jucundissimâ Philosophiæ parte *Politica*, animus fert, ad periclitandum vires ingenii, argumentum eligere. Ad quod institutum amplam satis cum præberet materiam *Andreas Tiraquellus*, multijugæ scriptor lectionis; arripere eam, atque ejusdem Tractatum, quem post Martinum Laudensem, Jo. Lupum & Jo. Cirierum de *Jure Primigeniorum* inscripsit, perlustrare, & inde, quæ ad præstans negotium facerent, (missis scilicet Jctorum controversiis ac decretis,) excerpere, nec non præcipuorum habito delectu, vocatisque in subsidium aliis quoque, pro modulo tamen nostro, digere lubitum fuit. Ipsam *Dissertationis Politicæ* partem, quasi nucleum, duabus partibus aliis, quarum anterior *Grammatica* sit, *Historica* posterior, circumdabimus. Jam, utcumque res cadat, ἱερὸς θεὸς κύβητος! Nos in arenam alacres!

PARS GRAMMATICA.

II. Nominis ante omnia natales inquirere, svadet ratio. In *Primogeniis* quibus tamen adeò rigorosos atque anxios esse facilitas vocabuli non requirit. Cuilibet fere ὀφθαλμοφανέως apparet, vocem *Primogenitus* compositam à nomine *primus* & participio *genitus*. *Etymologia*

III. Eam Valla & Tiraquellus a) negant satis latinam esse, idque moti duplici causâ: (1) Quòd voces simplices in compositione apud Latinos non per O. vocalem, ut apud Græcos, sed per I. sibi neantur. Quemadmodum enim Græci dicunt *Theologus*, *Discophorus*, *Sarcophagus*, &c. ita Latini *auricomus*, *lapicida*, *primipilus*, *unigenitus*, &c. dicere siveverunt. *Primigenitum* ergò dici potius debuisse, quæ vox & in monumento antiquo Veronenſi apud Torellum Saraynam reperiatur: CRESCENS SIBI ET AUFI-

A 2

LENÆ

a) Præf. Comment. de Jure Primig. n. 1.

LENÆ PRIMIGENITÆ LIB. (2) Qvòd huiusmodi composita non gaudeant participiis, ut *Phabigena*, non *Phabigenitus*; *alienigena*, non *alienigenitus*; *indigena*, non *indigenitus*. Unde colligunt, dicendum potius *Primigena*, vel *Primigenius* etiam, quàm *Primo-*
genitus.

IV. Verùm his rationibus non movemur, ut vocem *Primo-*
geniti, quippe consuetudine tam diuturnâ roboratam, extermina-

Hamv. 3-
2046.

mus prorsus. Non provocabimus ad locum Flinianum *b*); nam ibi pro *primogenitū* alii codices habent *primū genitū* *c*). Defendi illa vel sic poterit, si dicamus, eam ex duabus integris conflatam esse, sicut *benedicere*, *maleferiatu*, & similia.

V. Ambigua præterea vox est *Primogenitus*, & sumitur multis modis. Vel enim (1) pro filio quovis in *primogradu*, quatenus contradistinguitur à *secundogenito* eo, qui habetur pro *nepote* *d*), vel (2) pro eo, qui simul etiam *unigenitus* appellari meretur; talis scilicet, qui primus ita est natus, ut cum nullus sequatur. Quo sensu Salvator noster O P T. M A X. *πρωτότοκον* *Θ* seu *primogenitus* Mariæ vocatur *e*), etiam si fratrem nunquam habuerit. Qvòd non intelligens Helvidius, in errorem lapsus est, ut crederet Mariam *τῆς* *γεωτόκου* post Christum alios insuper peperisse; prolixo & accurato scripto *f*) à D. Hieronymo refutatus.

VI. Nos verò hic *Primogeniti* vocem (1) *relative* accipimus pro eo, cui *secundogeni* i fratres siue unus siue plures opponuntur; & quidem (2) in quantum illi lege gentium præ reliquis fratribus competit aliquod in successione jus vel privilegium. Et hoc etiam in voce *primus*, si vim ejus penitus inspiciamus, latere, n. mini non apparet.

Synonyma.

VII. Sicuti similiter (3) è voce *genitus* eruendum est, quòd h. l. *genitum* vocemus eum, non qui prior *conceptus*, sed qui prior *natus* est; & quidem non cujus una tantum aut altera pars corporis, sed qui *totus* in lucem prior est prognatus: Ita comprehendimus sub illâ voce etiam *caesares* ex utero, qualem Eduardum VI. Angliæ Regem ætas tulit superior.

VIII. Cæterum de *Synonymicâ* aliqua voce non multum erimus laboriosi. Tiraquellus ulus vocabulo *Primigenius*, dum Com-

b) Lib. XI. c. 48. *c*) Tit. 1. p. 1. n. 44. *d*) Tiraq. q. 1. n. 7. *e*) Mat. 1. v. ult. *f*) Cujus innotuit: *Nuper rogatus*. Tom. III. Op. H. fol. 2.

Commentarium suum de Jure *Primigeniorum* inscripsit. *Primigenus* quoque latina vox est, Poëtis tamen aptior quam Oratoribus. Adhibuit eam Lucretius in his g):

*Multaq; post mundi tempus genitale diemq;
Primigenum mari & terra.*

Græcis primogenitus non solum *πρωτόγονος*, sed etiam *πρωτότοκος* vocatur: quo vocabulo LXX. Interpretes pro primogenito passim utuntur.

IX. Reperiuntur tamen nonnulli, qui hæc duo vocabula *πρωτότοκος* & *πρωτόγονος* differre statuunt. Illum enim dici respectu matris, quem scilicet mater primum omnium peperit; hunc verò respectu patris, veluti ab eo primum genitum b).

X. *Major* quoque idem alicubi significat quod *Primogenitus* i). Unde Hispani ex eadem significatione *jus Primogenituræ* *Majoriæ* & *Majoratum* & *Majoricatum* dicere k).

XI. Ipsum *Jus Primogenituræ* (Græcis *το πρωτότοκία* seu *πρωτότοκεια*, item *πρεσβεία*, Tiraquello l) *primigenia*, Hugoni Grotio m) *jus primi nati*,) vocamus Prærogativam illam, quâ in hæreditatibus lege gentium passim gaudent præ fratribus suis primogeniti.

PARS POLITICA.

XII. Et hæc sunt, quæ ad partem primam dicere voluimus. *Jus primogenitura*
Sequitur, ut ad alteram, *Politica* scilicet, gradum promoveamus. Ubi fontes juris primogenituræ recludendi, & ante omnia inquirendum est: an privilegium seu prærogativa, quâ fruuntur primogeniti circa hæreditatem vel successionem paternam, adversetur juri naturæ?

XIII. Adversari eam putet aliquis ex eo, quia *jus naturæ* *adversari*
æqualibus æqualia vult tribui. Sicut ergò liberi ejusdem patris omnes *juri naturæ*
ratione *filiationis* æquales sunt inter se: ita & in *successione*, cujus fundamen-
tamentum est *filiaio*, ex æquandi sibi videntur. *contendentes*

XIV. Et quis nescit, hoc ita passim, quasi docente naturâ, observari, ut parentes liberis suis bona æqualiter partienda relinquunt, obsequentes scilicet illi vulgari: *Non debet pater unum ex filiis facere filium, & alium privignum n).*

g) lib. II. prope fin. p. m. 275. h) Tiraq. præf. n. 2. ex Augusti in. lib. IV. Gen. q. 23. i) Id. q. 1. n. 12. l) lib. n. 14. m) præf. n. 2. n) lib. II. de J. B. & P. c. 7. §. 25. *) Tiraq. q. 4. n. 2.

XV. Fatetur & Tiraquellus a), prælationem primogeniti esse contra jus commune, sive jus prætorium respicias, sive etiam jus civile. Atque is porro in sequentibus docet, æqualitatem illam, & fugam inæqualitatis sæpè esse interpretibus juris pro mensura decidendam inter fratres controversiarum, & corrigendorum nonnunquam testamentorum. Quin & dura quædam nonnullorum de jure primogeniti pronunciata profert p).

XVI. Quid si maximè patrimonii portio quædam eximia uni ex omnibus arroganda veniat: iniquum tamen videatur, fortunæ hanc rem seu fortunæ nascendi, non virtuti committi.

contradictio-
tur.

XVII. Nihilominus recte negatur questio cum Tiraquello, & ab eo copiosè q) citatis. Assumimus primo: ipsa alimenta solum, non etiam reliqua quæ ex successionebus proveniunt, esse de jure naturæ. Id quod non modò Tiraquellus r) è Baldo disertè profert; sed & H. Grotius s) haud obscurè comprobat, dum ait: *Nec aliter capiendum, quod dici solet, legitimam humanis legibus tolli non posse, quatenus scilicet in legitimâ infanti alimenta necessaria. Nam quod supradicti, tolli potest non repugnante naturâ.*

XVIII. Favet huic assertio ratio: Si quis enim in bonis suis plura habeat, quàm unde se cum familiâ alere possit, haud dubium est, superflua illa fieri posse materiam liberalitatis. Igitur si de illis, lege naturæ non vetante, potest aliquid conferri externo, quod ille sine ante se post mortem benefactoris accipiat: quanto magis uni alicui ex filiis?

XIX. Hinc intelligitur, salvâ æquitate naturali posse primogenito præcipuum quid ex hæreditate paternâ attribui, modo reliquis fratribus alimenta ne abscindantur. Unde & statuitur, ten ri primogenitum, qui scil. privilegio suo fratres a successione submoveat, præstare submotis alimenta, aut alia bona illis assignare, quibus possit honestam vitam ducere habita personarum & facultatum ratione, licet eus rei consuetudo (vel alia causa privilegium introducens) nullam omnino faciat mentionem.

சென்னை.

XX. Potest jam ex hoc fundamento responderi quodammodo ad

[illegible]

ad objectionem initio positam de æqualitate fratrum ratione filiationis. Est enim filiatio fundamentum successionis in bona defuncti non simpliciter, sed tantum quatenus in illis bonis latet *alimentatio* filiis naturaliter debita.

XXI. Hanc præter quæ adsunt, in ea succedendi facultatem, non præstat præcisè conjunctio filialis, sed aliquid hæc conjunctione diffusius, quod interdum voluntate possidentis determinatur: aliàs nemo cuiquam, nisi sit illi filius, succedere posset. Atque ex hoc quid vetat accedere aliquid sive per testamentum, sive per legem universalem primogenito, imò filiorum cuilibet, quod ipsi fratres reliquos ponat in æquales circa bona alimentatorem excedentia? quippe de quibus lex naturæ nihil determinans, arbitrio hominis disponendi reliquit materiam. Sed quoniam primogenitum ab intestato succedunt in præcipua hereditatis, ex altiori adhuc principio repetenda res est.

XXII. Regula quæ æqualia dicat æqualibus tribuenda, præsupponit tacite, rem tribuendam in partes esse *divisibilem*. Itaque in iis, quæ *dividi non possunt*, regula perperam allegatur: ut si eandem puellam, aut functionem plures ambiant æquè digni, quâ tamen potiri non nisi unus possit.

XXIII. Jam in hoc genere *indivisibilium* rerum habentur & hereditaria quædam bona, quæ sunt imperium successivum Monarchicum, feuda quædam (non omnia) dignitatem, & ipsa hereditaria dignitas, & si quæ his sunt similia. Quibus indivisibilitatem sive natura induxerit sua, sive lex positiva aut consuetudo, nihil refert. Sed quænam illa sint sigillatim, ex cujusque Reipubl. statutis ac moribus petendum est præcipue.

XXIV. Posita ergo partis alicujus in patrimonio indivisibilitate, necesse est, atque ad eodè legi naturæ non repugnat: ut à filiis, qui aliàs æqualiter in bona divisibilia succedere possunt, uni soli partem indivisibilem, (si unica illa sit: nam si plures ejusdem generis, ipsa copia divisionem suppeditat;) reliqui cedant omnes. Et hæc inæqualitas (si modò sic appellanda est) utilitati publicæ, ut quæ legem de non dividendo svasit, condonanda venit omnino. Nam & aliàs sæpè contingit, ut quis sine culpâ suâ jure suo privetur, sed non sine causâ.

XXV.

*Car prima-
tenius ca-
veru prae-
gatur: ra-
tiones dua*

leGes.

*alva dua
gravior.*

*Primoge-
niti sexus;*

*legitimi
natales.*

*Prærogati-
va cum est
juri gen-
itum*

XXV. Sed cur Primogenituræ habita hic fuit ratio? Duas al-
legat causas Tiraquellus 10): unam, quia primogenitus prudentius
præsumitur regnum administraturus: alteram, quia natura compa-
tatum est, ut majores natu imperent, juniores subsint. Sed hæc causæ
pectus non exsaturant; sanè non nisi in secundariis haberi merentur.

XXVI. Prius enim illud, etiam ab Arnæo x) rejectum, valde
dubium est; nec raro fallax: quin & cessante illa præsumptione nihil
ominus saluum est jus suum primogenito. Posterior verò parum
stringit. Nam præferri alteri in successione non necessariò impor-
tat imperium in illum. Quòd in regno primogenitus succedendo si-
mul in fratres potestatem quandoq; adipiscitur, ex accidenti est.

XXVII. Pro causis igitur levioris ponderis graviore alia ac
veriores afferemus duas, unde pateat, cur ætati delata sit hæc præ-
rogativa, ac non placuerit potius, quicquid sit de ætate, jus succeden-
di dare dignissimo. *Primo* enim de dignitate lites, earq; exitiales
frequenter oriuntur: de primogenitura aut nullæ sunt prius, aut
rarissimæ, ut vix ab omni seculorum memoriâ duæ ternæ memo-
rentur. *Deinde* non in electionis, sed successione materia versamur,
ubi jus acquiritur nascendo, non merendo. *Æquum* ergò, ut quo-
niam quò major quisq; est natu, eò diutius eo est jure gavisus, valeat
illud: *Qui prior tempore, potior jure.*

XXIX. Non diffitemur tam en habitam hic fuisse aliquam di-
gnitatis rationem, sed ejus, quæ minimè litibus opportuna à sexu
masculo est, & cum ipsa protinus nativitate conjungitur. Hoc
enim successio in regnum individuum alicubi nunquam, alicubi non nisi
deficientibus masculis ad fœminas pertinet. Si verum sit quòsdam
populos solis fœminis j) imperium commississe, non dubitamus in-
dicam scribere stoliditatis.

XXX. Sicuti & arbitramur, à lege naturæ discedi apud illos
gentes, quæ aut nullo aut parvo in discrimine habent, legitimo par-
tu an illegitimo editus sit primogenitus. Vult enim natura suam ser-
vari matrimonio dignitatem. Itaq; legi ejus melius satisfaciunt, qui
jus primogeniti ad nothos non extensum solis conservant legitimis.

XXXI. Hoc interim certum est, in regnis individuis successivis
primogenitum, nullo dignitatis morali respectu, passim ceteris
præferri. Unde cœpit hoc privilegium pro *legitimâ* quâdam, ut se-
pici-

piculè vocat Tiraqvellus *z*), primogeniti haberi. Nec dubitavit Herodotus *a*) scribere: Νομισμοῦ μὲν ὡς πάντων ἀνθρώπων τὸν πρεσβύτατον τὴν ἀρχὴν ἔχειν. Quem ejus locum post Tiraqvellum *b*) & Hugo Grotius *c*) annotavit, cujus diligentia plura in hanc rem congeffit scriptorum testimonia, quibus declaretur, τὴν πρῶτάν primogeniti *jura* esse gentium.

XXXI. Id verò de eo *gentium jure* capiendum est, non quod *q^{uo} sensu* gentis cum gente commercium tangit, sed quod gens quælibet extra illud commercium intra se manens usurpat. Itaq; nec obligat gentem genti ex consensu mutuo, sed civem civi ex voluntate ejus vel eorum, qui ferendi leges habent potestatem.

XXXII. Quare ad jus Primogenituræ, quod in Hebræâ gentē sancivit DEUS, non simpliciter alligantur populi alii, quippe quod non ad moralem legem, sed tōrem spectaverit. Recteq; nobis statuere videtur Tiraqvellus *d*), *jus primogenituræ non ita esse de lege divinâ, quin possit tolli per leges Principum.*

XXXIII. Intellige Principum, quatenus legem ferendi habent potestatem, non in quantum ipsi forte legi suæ gentis aut principatus universali ac fundamentalī obligantur. Nam aliàs primogenito jus suum, si illud vi legis publicæ, quæ ipsum liget parentem, obtineat, ne à parente quidem eripi, & in alium filiorum transferri potest: sicut & in populo suo DEUS *e*) expressâ lege ordinaverat. Et sub hâc conditione capiendum est, quòd statuunt, patrem *f*) non posse testamentum præferre alium primogenito.

XXXIV. Secus enim est, si pater regnum *pleno modo* possideat, & habeat *in patrimonio*, ut loquitur Grotius *g*), quæ alibi ab eo *h*) alienabile vocatur. Nam hūc locum, ut exhereditatio, ita & ademptio τὸν πρῶτόν habebit.

XXXV. Qualis autem illa sit culpa, quæ primogenitum ex- *Eam ipse* sortem sui juris facere possit, indagare huc non spectat; cū ea res *i*) non magis respiciat jus primogenituræ, quàm legitimam, aut aliud quodvis hereditarium.

z) q. 5. n. 3. q. 21. n. 3. q. 23. n. 11. q. 84. n. 9. *a*) Polymn. *b*) præf. n. 95. *c*) lib. II. de j. B. c. 7. §. 13. *d*) q. 21. n. 2. *e*) Devt. XXI. v. 16, adde locum Josephi parallelum ap. Tiraq. q. 21. n. 6. *f*) Dan. Otto c. XVII. de j. P. p. m. 399. Choppin. lib. II. de Doman. Franc. tit. 2. n. 10. conf. Tiraq. q. 21. *g*) lib. II. de j. B. c. 7. §. 12. *h*) §. 25. d. l. *i*) Tiraq. 21. n. 12.

non amittit culpā naturā aut casus

nec impotenti gubernanda.

XXXVI. Saltem hoc dicemus, culpam, quæ non est primogeniti, sed *naturæ*, aut *casus* (puta si claudus, cæcus, luitus, &c.) referimus & , si patri ante adeptum regnum natus sit,) communiter ipsi non obesse, nisi diversum forte lex gentis propria posuerit.

XXXVII. Ac ne quidem si regnum ipse siue *non tam*, et *etiam*, siue *nunquam*, ex naturæ vitio administrare queat. Quem in eorum tutorem ipsi vel curatorem dari, non adimi privilegia, gentes placuit.

XXXVIII. Quarum rerum ratio est è præcedentibus in aperienda quia privilegium illud datum fuit primogeniis primatis, non dignitatis ipsorum aut donorum naturalium, præter sexum & legitimorum naturalium decus, sed tantum natalium primorum constitutione.

In locum primogeniti quæ succedat

XXXIX. Quæ disputata sunt hæc, us de primogenito ad eum quoque consequenter pertinent, quem, licet verè primogenium non sit, e morte tamen primogeniti successorem illi dat propinquitatem. Atque is est haud dubiè frater proximè sequens, si primogenitus *ἀπαις* devixerit; filius, si quem habet, modò regnum ipse possiderit. Hæc igitur, inquam, dubitatione carent. At si primogenitus rursus filio ante patrem moriatur mortuo postea patri *ante* primogenito nepos, an filius secundogenitus succedere debeat, gravissime disceptari neminimus.

XL. Hæc quæstio, ut & alia ad successionem in jus primogenituræ pertinentia, quarum est ingens cumulus, ex ipsis successionum generibus, accurate ab summo Viro H. Grotio *k)* exposita, interdum & , ubi hæc ratio rem relinquunt in ancipiti, ex aliis monstrantibus decidenda sunt. Quia & hanc dubitationem spectans reges, quæ sequenda est omnino, Republicæ quædam amputant. Nunc verò ad huiusmodi singularia descendere non erat proprium, ac sufficit locum in Grotio demonstrasse, è quo defectus hic suppleri solet. Parili modo & quæstiones, quæ dijudicationem ab iure civili expectant, Dominis J. C. huius permittimus.

PARS HISTORICA.

Im primogenita

XLI. Jurat iam, quæ in parte Politicâ diximus, illustrare, exemplis. Ac citò commemoratione gentium præcipuarum adhibetur, quæ tota hoc jus in orbem terrarum radices egerit.

XLII.

XLII. Qvis enim nescit in *Galliâ* 1), *Hispaniâ*, *Scotiâ* *Angliâ*, ubi *Saceni* *Ungariâ*, *Dania* m), *Apulia*, *Sicilia*, & maximâ parte *Italici* primogenitos in successione præteriti, aut prælatos fuisse? Et apud *Grecos* idem observatum fuisse, testantur Historici. De *Lacedæmoniis* Herodotus n), Nepos Cornelius, & Plutarchus o), De *Atheniensibus* Paulanias p), De *Rhodiis* Diodorus Siculus q), De *Macedonibus* Livius r) & Justinus s), prodidit r).

XLIII. De *Agyptiis* locus Exodi u) rem persuadet. Nec apud *Persas* w) id fuisse neglectum apparet ex Platone x), Plutarcho y) & Justino z). Apud quos etiam illud receptum fuit, ut non tantum Rex, sed filius quoque ejus natu maximus ex aquâ, quam auream vocabant, potaret, cum ceteris esset hoc capitale, referente Athenæo α). De *Parthis* Justinus β) videri poterit.

XLIV. Specialiter apud *Judeos*, (ut de populo, quem DEUS olim in peculium sibi elegit, aliquid dicamus,) is qui natu erat maximus, omnia duplicia γ) habebat. Idem sacerdotali veste pretiosâ atq; odoriferâ indutus ante legem à Moyse datam, victimas DEO offerebat, fratribusq; in solennitatibus & conviviis benedicere solebat δ).

XLV. In *Germania* nostrâ inveteratum jus esse majoratus, maximè inter illustres familias neminem latet; ubi olim postgenitos ad differentiam primogeniti *Domnicellos* sive *Jundern* salutatos fuisse annales produnt e).

XLVI. A generalibus ad specialia quædam primogenitorum legitimè adjuncta progredimur. Equidem, ut primogenitus esset legitimè natus, non omni tempore, non ab omni populo requisitum fuit. Apud *Tartaros* nethi & legitimi pares teste Grotio ζ), qui & exempla habet quorundam è nothis Regum, quibus è Choppino η), Tiraquello θ) & Cornelio Agrippa ι) alii adjici queant.

B 2

XLVII.

1) Tiraq. præf. n. 2. seqq. w) Schönb. II. Polit. 9. n) in Terps. & Polymn. o) uterq; in vita Agesil. p) in Atticis q) VI. Bibliothec. c. 13. r) Decad. IV. lib. 10. 2) lib. VII. 2) vid. Tiraq. præfat. n. 25. 26. 27. u) c. XI. v. 5. Tiraq. præf. n. 22. 66) Id. ib. n. 29. Brissón. J. Pers. p. 4. x) Alcib. I. y) in vit. Artax. 2) lib II. α) Tiraq. præf. n. 30. Brissón. J. Pers. p. 61. β) Arnif. I. Polit. 9. p. 215. ap. quem plura. γ) Deut. XXI. Joseph. Ant. lib. IV. c. 6. δ) Tiraq. præf. n. 12. 17. 18. 1) Spreng. Bon. Princ. Axio. 13. p. 80. è Cyr. Spangenberg. ζ) not. ad lib. II. de J. B. c. 7. 9. 12. η) lib. 1. de Doman. Franc. tit. 11. n. 10. θ) c. XV. de Nobil. n. 21. ι) c. 62. de van. sc.

XLVII. Sed sanctiores nobis populi, quibus sanctioris testimoniis reverentia. Et si Petro Gregorio x) credimus, conprobavit experientia, exarvationem spuriorum cum legitimis in regni partitione & successione, infelicem fuisse.

XLVIII. Apud *Hebræos* Jephthen fratres legitimæ hereditatis ab hereditate λ). De *Persis* Herodotus μ): νόθον δ' ὁ σφίς νόθος βασιλεύσας, γνησίους παρῆγοντο. Pausanias ν) tamen Darium nothum Ifigæo Artaxerxis Longimani justo filio in regno capessendo populi consensu antepositum memorat. Apud *Phryges* nullus in regiâ agnatione dicebatur, nisi quem ex legitima uxore vir genuisset ξ).

XLIX. Romanorum quoque legibus naturalis non succedit, nisi in bonis maternis, & cum hac quidem exceptione, nisi persona sit illustriς ο). Itaque gravissimè contra eum discessit Pet. Gregorius ζ), Tiraquellus η), Hippol. à Collibus σ), Arnæus τ), Dan. Otro ς), alii. In *Gallia* etsi sub Merovingis & Carolovingis locum habuerunt nothi, meliori tamen postea gentiliū Capeti lege filiis Regum, qui non essent justo quæsitū connubio, omnes ad regnum adiuncti præclusi sunt φ).

L. Apud *Garbos* & *Sveones* qui illegitimâ cognatione nati erant, perpetuo rubore suffusi vix audebant inter honestos comparere, etiamsi regii filii fuissent. Inde factum ait Jo. Magnus θ), ut Amundi Regis, ejus, quem ex concubinâ pater susceperat, origo silentio suppressi consueverint, & licet defectum natalium despicens sibi concubinâ pater, ipse summâ probitate redemisset, tamen perfectam à subjectis obedientiam nunquam valuerit assequi. Nothi quidem in memoriam Gustavo Adolpho Svecorum Regi non Gustavus natus, tamen si primogenitus esset, & alias stirps mascula deficeret, sed Christiāna successit.

LI. Non tamen, ut generis, ita corporis macula aut vitium obesse debet primogenito. Ortâ post Codri *Arbenarum* Regis mor-

x) V. l. de Rep. 8. n. 13. λ) Judic. XI. v. 26. η) lib. III. cit. Grot. notat de J. B. 7. §. 12. ν) in Elæc. B. 10. l. 1. p. 6. ξ) Chappin. I. de D. Franc. 11. c. 1. n. 2. c. Dan. Phryg. σ) Aruif. 1. Pol. t. 9. p. 237. π) VII. de Rep. n. 10. Regg. ζ) c. XV. de Nub. n. 20. si qq. & q. 34. de primogen. p. 19. η) Aruif. de Nub. 1. 3. c. 2. d. 1. c. XVII. de Juri. Pub. p. 104. φ) V. l. de Rep. 1. 1. 7. 4. Pet. Grego. d. l. n. 14. λ) XVIII. Hultor. Götting.

tem inter Neleum & majorem natu, sed altero crure decurtatum, Medontem controversiâ, Apollo consultus oraculo Medonti regnum mandavit ψ). *Pannonia* Rex Vladislaus carebat liberis, sed erant ipsi de fratre Geizâ nepotes duo, major Colomannus, statu pusillus, lingvâ balbus, oculo luscus, pede claudus, dorso gibber; minor, sed melior animo & corpore Almus. Hunc Vladislaus in spem regni adoptaverat, utq̃ve firmior esset prælatio, Colomannum initiaverat sacris, & procul à patriâ specie studiorum ablegaverat Lutetiam. Nihil tamen horum obstitit Pannoniis, quo minùs mortuo Vladislao jus primogenituræ pervicaciter in Colomanno revocato tutarentur ω).

LII. Diversum *Persis* placuit, apud quos lege vetitum, ne captus altero oculo aut naso auribusvè mutilatus, vel aliquâ membrorum prævitæ deformatus, Rex constitueretur. Atq̃ hoc nomine Zames luscus Cosroi fratri, quem ætate anteibat, postpositus α).

LIII. Sed quid, si primogenitum *inopia consilii* despiciabilem faciat? *Lacedæmonii* Cleomeni, Anaxandridæ regis filio, quantumvis non satis esset compos mentis, nullum è fratribus cordatioribus, quòd minores natu essent, prætulerunt β). Ita Johannes Maria, Jo: Galeacii *Mediolani* Ducis primogenitus, ante fratrem Philippum Mariam ad principatum pervenit γ), tametsi dolebat pater, durâ lege (sic vocabat) stolidos illius annos virtuti fratris anteferri δ).

LIV. Talium sanè non valde dispar est cum *infantibus* causâ, *infantiâ*; quos tamen nulla gens à successione exclusit, si *Moschovitus* (cum paucis aliis) excipias. Nam horum legibus non modò patruus nepote (in illiâ celebri controversiâ) superior est impetrandi jure, verùm etiam, si casus ferat, ut primogenitus regnum adeptus filium, impubere relinquat, frater imperium excipit excluso nepote. Id quod Basilii magni exemplo confirmat Bodinus ε).

LV. Contrâ, infantes sceptris admotos memorare infinitos cùm possimus, unicui afferemus, in quo simul ratio appareat explorandi primogenituram occultatam. Decefferat Aristodemus

ψ) Tiraq. q. 21. n. 13. è Pausan. α) Bodin. VI. de Rep. s. f. 730. Lipsf. II. mon. Polit. 4. mon. 2. Tiraq. præf. n. 6. α) Tiraq. q. 21. n. 17. & Besson. I. Persf. p. 7. è Procop. β) Herod. Terpsf. Tiraq. præf. n. 25. γ) Albiz. Rem. f. 42. δ) Choppin. II. de Dom. Franc. tit. 2. n. 10. Araisf. I. Polit. g. p. n. 216. ε) VI. de Rep. s. f. 731.

Lacedamonum Rex paulò post natos sibi ex *Ægina* conjuge geminos. Rogata mater, primogenitus, uter esset, ignorare simulavit, quòd speraret sic ambòs Reges fore. Sed cum imprudens insidiarum cibando lavandoq; *Eurysthenem* *Procli* (hæc pueri nomina) constanter præferret, res prodita, *Eurysthenes* in regno subiectus est *f*).

nativitatis
fortunâ
privatâ.

LVI. Porro nec à nascendi felicitate rectè æstimatur jus primogeniti, neq; aded negandum est illi, qui natus sit ante quàm *p*) regnum adipisceretur pater, licet post adeptum alios suscepit. Sic in Germaniâ *Otto* I., quanquam non sine armis; in Gallia *Ludovicus* XI.; in Hungariâ *Geiza* III.; in Judæâ *Antipater* *Herodæ* AL filius; in Perside *Artaxerx*, s. *Mnemon* præhabiti sunt fratrum regia natis fortunâ *b*).

LVII. Quòd autem in eadem Perside *Xerxes* *Dari* *Hystaspis* filius *Artabazanem* *r*) fratrem primogenitum privato patris nomine, quem *Artemenem* vocat *Julinus* *k*), submovit in successionis imperii: aut contemplatione stirpis maternæ *l*); quâ avum habuit regni Persici conditorem *Cyrum*, ut in Syria *Antæ* *E*. obsestatum est; aut potentiâ matris *Atossæ* magis quàm jure *m*); aut deniq; ex liberâ controvertentium *n*) conventionione factum dicemus. Notum enim audienda est *Bodini* *o*) & aliorum apud *Tiracellum* *p*), etiam *Armisæ* *q*) improbata ratio, quia regnum *Dario* patri alteri, quàm hæreditario jure obligisset. Cæterum, quòd *Sparta* quoq; nati in regno præterebantur ante regnum natis, ex lege populi illius propria fuit *r*).

amissum
culpâ.

LVIII. Primogenitorum, qui suâ culpâ privilegio exciderint, exempla sunt è profanis *Robertus* *s*) *Gviliclm* *Conquæ* *toris*, & *Conradus* *r*) *Henrici* IV. Imp. filii, à parentibus propter arma in se gesta

f) *Herodot.* *Erato*, & inde *Tirac.* p. x. n. 39. aliter tamen *Manutius* p. 104. *Maxim.* p. m. 190. *Bodini* VI. de Rep. s. l. 34. 7. 1. *g*) sic incipit *Tiracellus* p. 114. 37. *Arcul.* *Polit.* 9. p. 222. *h*) *Cicero* VII. de Rep. 9. *Dan.* *Ott.* c. 37. de *Jure* p. 107. *Am.* II. de J. B. 7. §. 28. *k*) *vid.* *Græc.* d. l. *Tiracellus* d. l. 20. 21. *Ar.* p. 222. *Bodini* VI. de Rep. s. l. 710. 711. *l*) sic nominatur à *Herodoto* lib. I. *Poly.* c. 11. c. 18. *m*) *P.* *Græc.* VII. de Rep. 9. n. 35. *n*) *H. Græc.* II. de J. B. p. 149. *o*) *vid.* *Julian.* d. l. *p*) VI. de *Her.* s. l. 710. p. 131. n. 36. *q*) *ibid.* p. 222. *r*) *ibid.* *Græc.* II. de J. B. 7. §. 29. *s*) *Ar.* p. 225. ex *Amil.* *t*) *Tiracellus* p. 114.

gesta regno exclusi; è sacris Ruben *u*), quin & qui hunc sequebantur proxime, Simeon & Levi, à quibus gravissimè laesus pater, principatum ad quartum filiorum Judam transtulit.

LIX. Sed cur Adoniam *x*) filium è superstitis primum à regno Israël submovit pater, cuius tamen nullum facinus memoratur, quam quòd jus illud primogenituræ jam sibi à patre denegatum tueri conatus est? Non placent hic, quæ profert è Baldo Tiraquelus *y*); magis quæ Grotius *z*), inqviens: *Erat regnum illud velut patrimoniale Davidi, non quidem belli jure, sed DEI ipsius dono.* Hæc ergò donatione dicemus nos DEUM, præsertim quem constat, Salomonis electionem ratam habuisse, simul facultatem Davidi indulgisse, regnum, cui vellet ex filiis, relinquendi. Quo pacto non ademptum fuerit jus Adoniz, quod jam haberet, sed, ne quod haberet, prohiberetur.

LX. De posteris Davidis diversa videmus prodita. Nam Roboamus quidem majores filios minori Abiz in successione posthabuit *a*). Contra de Josaphato (in cujus nomine labitur Choppinus *b*), Ossiam memorans) scriptum est: *Regnum tradidit Joram, eo quod esset primogenitus c*).

LXI. Interim, uti non dubium est, mutari jus primogenituræ violari tenesse *ab absoluta majestate*, legislatoriam potestatem habente: ita *contra leges superiores* primogenitorum vel à parentibus, vel à fratribus tentata postpositio, nonnunquam impedita à populo, sæpè exiliis, bellis, partidiciis repressa vel castigata, aut aliàs à DEO extra ordinem vindicata fuit, adeoque rarò cessit prosperè. Id quod exempla Cleomenis *d*), Numitoris, Ptolemæi Philometoris, Hircani, Nicomedis, Colomanni *e*), Craci, & aliorum primogenitorum ap. P. Gregorium *g*) & Bodinum *h*) dicent. In Angliâ bellorum civilium inter Eboracensem & Lancastrensem familias diutissimè acerrimeq; gestorum prima origo fuit, quòd Edmundo Henrici III. primogenito prælatus frater fuerat *i*).

LXII. Rursus neq; primogenitos jus suum cum afflictione aut usurpatum exitio cum affli-

u) Gen. XLIX. v. 5; & seqq. *x*) III. Reg. I. 7) q. 21. n. 17. *z*) notis ad I. de J. B. 7. §. 25. Conf. Pet. Greg. VII. de Rep. 5. §. 14. *a*) II. Par. XL. c. 12. *b*) ibi, de Dom. Franc. tit. 2. n. 3. *c*) II. Paral. XXI. v. 3. d. e.) de his & supra ceter. LIII. & LI. *g*) VII. de Republ. 7. & 5. *h*) VI. de Rep. 5. 1. 729. 730. *i*) vid. Chopp. d. l. Abiz. Stemmi. f. 16.

Alone fra- exitio fratrum conjungere decet. Neque enim imitandos dixerimus
trumi Abyssinos, apud quos regis liberis, excepto uno, qui imperat,
exciſiſſimè incluſis, in perpetuo carcere vivendum ē) Othoma-
nicorum immanitas, qui imperium ſerè ab interfectione fratrum au-
ſpicantur, ut omen dirum deſpuenda proruſ atq; execranda eſt.

eam laude LXIII. Quæ toti orbi proponas imitanda exempla, magno
& gloriâ. numero ſuppeditat *Illuſtriſſima Domus Saxonica.* Paucis tamen,
atq; e iis ab recentiſſimâ memoriâ erimus contenti. Quanta fide
primogenitum GEORGIUM HEINRICUS frater; quantâ benevolentia
AUGUSTUM MAURITIUS primogenitus proſecu-
tus eſt! Quanta inter CHRISTIANUM II. & JOHANNEM
GEORGIUM I. gloriſſimè omnes memoriæ Principes, vigit
concordia! Revivſcunt hodiè (DEO ſit gloria) Paternæ Majorum-
q; virtutes, & cum nominibus paria faciunt in Clementiſſ. Dominis
noſtris JOHANNES GEORGIO II. Dignitatis Septemvralis he-
rede primogenito, Ceſſiſſimisq; Fratribus Saxonæ Ducibus AUGU-
STO, CHRISTIANO, MAURITIO. Verè hic impletum
eſt illud Pſalmographi m): *Ecce quàm bonum & quàm jucundum,
habicare fratres in unum!* Implebitur haud dubiè & quod ſequitur:
*Quoniam illic mandavit DOMINUS benediſtionem & vitam nram in
omne ſeculum!* Hoc provinciarum omnium, hoc in illis & noſtrum
votum eſt!

ē) Arnſ. I. Polit. 9. pag. 219. Alvareſ. Æthiop. c. 58. ſeqq.

m) Pſal. CXXXII.

F I N I S.

1A1 1522084